

# 黃渡鎮志卷一

里人章樹福清甫氏纂輯

## 建置

### 沿革

黃渡爲禹貢揚州域楚滅越爲春申君封地自秦迄梁屬婁縣信義縣大同二年分信義爲崑山縣屬崑山唐天寶十載割崑山置華亭縣由是北屬崑山南屬華亭

鎮北自唐迄五代時爲崑山之膠城鄉宋初爲安亭鄉嘉定十年割崑山東境五鄉置嘉定縣改安亭鄉爲服禮鄉黃渡係服禮鄉十九都旁及二十一都

鎮南自唐以後屬華亭元至元二十七年更置上海縣爲上海之北亭一作北平新江二鄉三十一保三十三保

係北亭四十五保係新江明嘉靖二十一年割上海西境及華亭西北二鄉分置青浦縣以北境之舊隸上海

者改海中鄉三十一年仍截至萬歷元年復置青浦 國朝雍正二年分澱山新涇兩司所轄之地東北屬新涇者別設福泉縣黃渡隸福泉乾隆八年裁福泉仍歸青浦

### 緣起

## 黃渡鎮志

### 卷一

黃渡地臨吳淞名見于胡渭禹貢錐指有以爲舊名橫渡後人去木爲黃固不足信宋郊賈水利書有大黃肚浦小黃肚浦之名錢大昕跋楊潛雲間志援以證黃渡舊傳春申之蹟爲後人傳會謂渡當作肚明邱集又以鹽鐵塘之西有黃土墩黃渡因墩得名後人譌土爲渡錢說近古而于命名之義無取邱說似實而于援證之地尚歧今攷黃渡舊有滬瀆龍王廟元大德八年侍御史李果建河內許約記其事云公乃顧瞻黃土之灣民物日盛商賈日集茲土可以妥神今鎮東江形如之字潮汐積沙爲土色黃而性疏則黃土灣之稱名實正符乃知譌土爲渡之說爲不誣邱殆言之不詳耳

明龔宏嘉定志祇載黃墩在服禮鄉即今淺岡墩土字乃後人所加邱亦未深攷

然春申之說雖無證據而郡

縣新舊志皆因之攷周烈王十五年黃歇治水松江導流入海爲旣入後第一次疏濬水利爲民生所關繫人以地理亦可通宋甯宗時置嘉定縣其地舊爲崑山之安亭春申臨江平樂觀塘五鄉吳會稽王亮建興二年有大鳥五見于春申鄉舊時黃渡雖不隸春申鄉而相距不及一舍不敢臆斷以前人之蹟必不經此袁凱江上竹枝歌曰黃家渡李資坤建小學曰黃谿顧清松江府志曰黃歇渡沈旭初金節婦詩曰黃江浦鷗卜居詩曰申江皆主舊說又案都穆練川圖記市五鎮七黃渡列第二鎮特不知鎮之名始于何時顧炎武菰中隨筆云凡地有稅課

者統謂之鎮黃渡舊設稅課子局至嘉靖四十二年奏革則有鎮之名已非初始近代顧宋元以前惟有北街爲聚落亦名卜家灣俗呼老黃渡在今鎮北二百餘步相傳卜姓徐姓始居此二族已無可攷後有龐氏居之金氏居之龐金在前朝俱有顯達者營第宅建橋梁于斯今其子姓尚不盡陵替北街之東爲羅漢寺西爲崇真道院皆南宋初年建則鎮之興先北而後南松江府志稱南鎮爲新街此其証也而舟楫輻湊皆在泊船灣以東故龍王渡楊林市二處昔皆成集後漸由東而西興廢有今昔之殊矣青浦志載鄉鎮要地五黃渡列第二鎮地雖一隅實海壖衝繁之會也

明袁凱重過黃渡有感馬家宅畔無喬木徐氏門前芳草多留得白頭漁父在年年長遂送滄波

國朝許自俊舟過黃渡黃浦東迴海口湖吳淞西跨渡頭橋魚蝦入市千家醉葭菼橫湄一路樵砧動寒塘催落日鐘鳴野寺送歸橈荒亭舊址難回首石馬沙禽對寂寥

吳屯侯黃渡遇仲兄相違曾幾日蓬鬢各添星舊業紛豺虎荒原有鵲鴿刺船橋柵斷沽酒市門肩坐久忘移夜陰燐處處青

## 黃渡鎮志

### 卷一

一一

朱昂江樓漫興時客館黃渡小館枕江湄篝燈夜讀時月來人不覺秋到葉先知宿鳥一汀畫寒蛩四壁詩未眠還索飲吹火酒蠅遲

李燧薄暮過黃歇渡蘋江孤櫂晚雲橫夜色蒼茫百感生樹裏燈明知寺近橋邊水靜覺潮平酒家寒月扶人影竹隴荒煙作雨聲偶倚篷窗懷一妙幾時把酒話離情

浦鷗黃歇渡秋望人煙兩岸限封疆楚相空名流水長鑪著四腮屯網市虹聯雙影互輿梁湖源西上中分綠海勢東迴半截黃極目江天好風景濯纓歌激去茫茫

俞嘉客過黃渡與許采臣范同叔遣民夜話限韻渡頭煙火靄斜暉乘輿扁舟欵舊扉始別不期今夕會重來何異故園歸草蟲入暮吟當戶江月橫空涼透衣忘卻夜闌情話永曉星明滅雁南飛

顧荃黃渡竹枝詞渡口晴朝打漿來樓臺相對面江開江潮送客崑山去江月迎人練水回卜家灣裏晚雲平時向前朝古寺行寺外墓田春不埽亂飛蛺蝶近清明戴勝初飛種木棉攜筐下子出郊田深秋結就花成朵賽過山桑八繭絲樓外銀河射角斜江南江北響縑車小姑夜紡三更後到曉平稱五兩紗兩岸黃蘆花發初苦師搖櫓截江漁朝來撒

網當深處牽得紅腮一尺鱸 江水東流無盡時孤橋南北跨江湄征夫莫上橋心望蕩起  
煙波萬里思

鮑景顏泊舟黃歇渡一水微茫外燈光數點明飄檣誼夜市車馬還歸程霸業空餘渡名賢  
憶舊營風颯大風起并作怒濤聲

張詩黃渡中秋步月歸來未要忙衣單猶可禦新涼玉簫金管隨風漾正是人家燒夜香  
張熙純黃渡候潮松陵東下晚停橈冰裂寒塘欲上潮驚起榜人催解纜燈昏水驛雨瀟瀟  
王濤黃渡感舊我來黃歇渡彷彿記前遊往事半生夢長江千里愁寒煙野外鳥斜日廟前  
舟此夜一輪月簫聲何處樓

陳文述三月十五夜黃渡對月有懷春雲澹如秋薄羅染深碧倒影綠水中漾此月華白月  
華如有情又照孤舟客前夜雲間城昨夜青浦驛來日又何處或者申江汐有無陰晴異兼  
之雲霧隔過去與未來相視總陳陳蹟惟有眼前景春華莫虛擲滅燭啓篷窗團團攬圭璧圓  
靈靜可翫清輝近堪摘明星羅耿耿春情動脈脈眷念畫樓人幽思生遙夕

陸我高偕周緯黃渡舟中對雪聯句孤艇泊寒江侍雪天似墨壓篷夜無聲撒監曉有色

## 黃渡鎮志

### 卷一

### 二

初作風篠舞旋眩冰花織水市漁蓑明煙林禽哢默玉屑灑霏霏銀橋行得遠銜寺脊紅  
近襯岸容黑邨迷趙塔南浦斷華潮北凍鴉墮一雙皓鶴化千億膠合剪刀波氣凝水晶域  
無石帚新詞有陶家舊憶烹茶茶不溫呷酒酒無力夜課鬪尖义冬心抱偃仄清景悅欲逋  
疏影不可即言尋蘆子渡宛在梅花國衾薄愴無眠餅大說堪食呼起李營邱畫境吾會識  
閨秀歸懋儀黃渡阻風咫尺家山路邈茫五年陳迹費思量孤舟一夜瀟瀟雨青鏡明朝鬢  
有霜

閨秀王韻梅丙戌七夕黃渡作夜深深院露華濃倚枕愁聽遠寺鐘歸夢紅窗關不駐任他  
水複與山重 微颺生樹乍涼天四壁蟲聲月墮煙歲歲星期總腸斷何曾懷悶似今年

### 職官

市舶提舉司 元初設駐黃渡鎮轄番夷閩粵海舶明洪武時以番夷不宜導入內地詔改設  
于定海

河泊所大使 明洪武初設屬嘉定駐黃渡鎮管嘉定崑山華亭上海四縣漁戶宏治三年松  
江知府劉璟奏革其漁課歸秋糧項下帶徵係蘇州府者并入沙頭河泊所

黃渡河泊所漁課鈔永樂間一萬七千一百八十二錠

舊志作定案元時行鈔法以一貫爲定後移其名于銀又加金旁今改

四貫四

百六十文天順至成化間一萬八千五十九錠一貫八百六十文自宏治七年至萬曆八年以漸裁革

吳塘巡檢司 元設屬嘉定駐黃渡鎮明初仍之管轄墩汎凡九

青岡墩黃泥涇墩外岡墩城西墩石岡墩馬陸墩黃渡墩馮家橋墩沙墩

萬曆二年裁歸江灣巡檢司兼轄

明殷聘尹曰原額弓兵二十名今增巡司一員弓兵十名向設于黃渡鎮巡司督率弓兵沿鄉巡緝今寮舍圯廢寄寓邑城或僦居民舍請託薦剡以竊微潤而巡羅防守之責不問

稅課局 明設大使一員屬嘉定洪武四年改建總局復設子局九所黃渡鎮其一也嘉靖四十二年巡按御史陳瑞奏革

### 社會

積穀倉 屋五楹在南鎮迎恩橋側 國朝乾隆六年青浦知縣王理建尋廢

### 小學

黃谿小學 在今北鎮柴家街後明嘉靖十五年嘉定知縣李資坤以上真道院改建有學門

## 黃渡鎮志

### 卷一

### 四

儀門聖賢祠養正堂齋舍屋凡一十楹置田三十四畝租米二十四石五斗邑人沈耀有記今遺址尙存

李資坤風教錄歲用每月生儒一名廩米一石價銀五錢柴炭銀一錢六分六釐六毫教讀一名廩米八斗價銀四錢柴炭銀一錢每季生儒教讀各用卯簿一扇每扇中夾紙一十五張價銀一分五釐每歲考試賞勵紙筆價銀八錢二分春秋聖賢里社二祠祭儀每祭用羊一控豬肉七觔雞二隻魚二尾帛一段時果麵食湯粉酒米油鹽醬酢薪水等項該銀一兩通共用銀若干兩存銀若干積貯備用每歲春秋二仲月諏日行舍采禮祀先師孔子及四配并宋周程張朱五儒以司簿者爲主司田者爲介祭畢設具延請鎮內有齒德父老會饗而散每歲終及三歲終將用過各餘存銀兩數目開報查攷學中立明經一人句讀一人俱擇有德行藝術者司田一人執其總司簿一人贊成之簿各有登曰歲入曰歲需季試之外有鄉約有月課修葺學舍之外更有贏餘以給貧乏亦掌以里中賢者

沈耀記今上御極之十二年滇南李侯來宰嘉定越二年丙申秋立小學于所治之境以訓鄉之子弟凡一十六處黃谿其一也撤上真道院而改建之凡橫經講肄之地及師生餼廩

之費美且備矣里之人來致侯命乞余一言余惟孝弟力田之科道不相悖而行之鄉者功尤神速古之時春將出民里胥鄰長坐于左右塾入者必察其薪樵輕重示以斑白不提挈之義周禮以歲時合耦于耒耨即里胥所居之塾也新穀已入餘子皆入學士大夫之退老于鄉者就門側之室而爲之師民之朝夕出入者常受教于此先督其勤惰之節以裕其生繼覈其德行道藝之實以正其心迨學有進益選于二十五家者小善亦取選于百家者累善乃取秦漢而降里選之法廢俗日偷而秀良乃不復振起矣我朝以經義取士洪武八年詔天下立社學絃誦之聲延及窮鄉僻壤而爲子弟者咸知承師問道學有成材况茲吳淞之濱土厚水深觀于其鄉秀而不浮樸而不僂子衿城闕之風無爲斯土慮也李侯行之可以興矣

殷聘尹曰李資坤建四門及各鎮小學置廩田以給饍誠教養之盛心也日久弊滋豪門據爲世業姦胥竊以自潤廣文利干乾沒以一二衰朽老儒名充社師虛糜廩給而已

國朝徐峽芳詩吳塘東岸臥殘碑留得荒堆義學基基上年年春草綠不知桃李更何時

黃渡社學 明萬歷間青浦知縣卓鈿建今遺址莫攷

### 黃渡鎮志

#### 卷一

#### 五

平原義塾 在南鎮伏魔庵西乾隆四十七年陸嵩庚建尋廢

墩汎

明初地方烽墩  
黃塘長修築

吳塘烽墩 即黃渡墩在文號八圖今爲施相公廟基 國朝康熙六年設汎地于墩旁係吳

淞營左哨把總撥兵駐守今營房已廢遇公文緊急仍設驛廟中

鹽鐵灣墩 在文號十四圖

逢陳墩 在三十二保一區一圖

陳家邨墩 在四十五保四區三圖

鬻煙墩 在四十五保四區六圖

里人夏韶鬻煙墩晚眺小阜年年鎮碧濤會傳多難此登臨 聖朝一洗干戈習僻壤常安耕鑿心禾黎連阡霑雨足牛羊幾隊牧秋深四郊烽火都銷盡留待詩筇數訪尋

黃渡汎 舊在南鎮伏魔庵旁今移建越河北岸千秋橋側屋三楹基地七分汎兵六名係提標後營撥派白鶴江把總管轄

郵遞

黃渡舖 在方泰舖西南十二里文號十四圖戚浦上舖兵二名基地六分六釐西南抵青浦界艾祁舖

案嘉定鋪兵四十名每名工食銀七兩二錢黃渡派兵二名今鋪廢已久工食銀尚存

公廨

河泊所署 明洪武時大使管瑯建在今文號十二圖樊將軍廟西百餘步署久廢今存路旁

小墩猶呼大使墩 松江府志戴黃渡河泊所在嘉定二十都誤

吳塘司署 明洪武六年巡檢趙叔康請以沒官房改建在北鎮姚家街今仍廢為民房

坊表

攀龍坊 宋淳祐十一年青龍監鎮林鑑立在今鹹號十九圖龍王廟前久廢

節烈坊 在文號十四圖南宅康熙四十七年為金趙鳴繼妻王氏建

貞孝坊 在三十一保蔣家浜乾隆十七年為張大燦聘妻程氏建

雙節坊 為沈諧妻陸氏沈訓妻汪氏建一旌于乾隆九年一旌于乾隆十三年青邑人建坊

地未攷

節孝坊 一在北鎮柴家街康熙年為王惠公妻張氏建 一在三十一保淮浦上康熙六十

年為生員錢義傳妻張氏建 一在南鎮西街雍正十一年為施觀妻錢氏建 一在三十三

黃渡鎮志

卷一

六

保張浦上乾隆三年為周溢妻陸氏建 一在南鎮橫街乾隆四年為陸國祥妻鄧氏建 一

在北鎮箸園涇上乾隆五年為姚禹傳妻沈氏建 一在三十一保凌家角乾隆六年為曹天

標繼妻吳氏建 一在南鎮西市外乾隆六年為例貢生吳觀都妻金氏建 一在三十一保

百家橋乾隆八年為張坤元妻陸氏建 一在北鎮姚家街乾隆九年為姚文禕妻金氏建

一在三十三保張浦上乾隆十二年為周潛妻馮氏建 一在北鎮柴家街乾隆 年為舉人

施洞春繼妻陸氏建

街巷

大街 後街 司前街 載黃齡羅記 柴家街

佛閣街 甄橋街 姚家街 北街

更樓街 東涇岸 以上北鎮 南街 東街

西街 橫街 轎子彎 旱橋街

馬家街 倉房街 西街 華家場

錢家場 以上南鎮

橋梁

迎恩橋 跨吳淞江舊名虹橋亦名東江橋 國朝康熙三十八年里人曹襄金維則吳麟定華昌募捐易石邑人張詩有記

張詩記吳淞江自震澤迤邐歷崑山嘉定青浦上海延袤三百餘里而後入海民居在腹獨黃歇渡北屬嘉定南屬青浦江之兩厓居民稠疊屹爲鉅鎮形勢至此一束鎮東西向有兩江橋用木爲之後東江橋廢不惟不利于行而鎮亦日就彫耗蓋鎮所以束吳淞形勢而兩江橋又爲一鎮鎖鑰而聚其氣者也里中任事者謂橋之興廢係鎮之盛衰乃協心齊力竭已資朔始廣爲勸募矢公矢慎以底于成高廣若干尺爲級各五十面平如砥約可坐百人堅緻宏敞兩邑中得未有也橋成適 今上南巡行幸松郡因名曰迎恩自此民物日阜行其途往來不絕者肩相摩焉觀于其市陸離璀璨眩目焉入于人之家棟宇峻起檐阿軒翔鬱葱之氣不能窺其蓄藏之淺深焉衣食足禮義生其長老率皆忠信樸誠以孝弟教督其子弟其子弟亦恂恂雅飭無少年華靡敖敖之習其秀者寢食于詩書道德故聚不滿千室列膠庠者數十人彬彬皆廟堂器其日新月異正未有艾而非諸君子協心齊力以底于成

黃渡鎮志

卷一

七

又何以致此余留滯斯土久之未秋鎮之人士請書以勒石問所費曰錢四千緡問其歲月曰始康熙某年某月逾年訖工余樂觀其成因爲之記以垂不朽云

范逸過虹橋作故人書到客來遲此意何由報爾知歲暮淒涼殘雪夜東江橋上獨題詩

西江橋 跨吳淞江

以上二橋  
嘉青連界

里人施大成雙橋曉市詩樓閣千家曙色中垂虹分鎖水西東鷄聲履跡霜猶白人影闌干日漸紅彩鷁紛紛六郡客畫帘裊裊五更風一江煙景憑誰買借問詩翁與酒翁

與善橋 跨陸皎浦舊志作陸皎浦橋俗稱張家橋明永樂間建 國朝康熙五十年易石乾隆五十年里人金元桂募修

積善橋 跨著園涇

香花橋 跨著園涇明洪武十七年郭文正重建 國朝順治八年徐近山募修

鍾秀橋 跨著園涇俗稱施家橋康熙間戴邦鳳重建

李榮春竹枝詞著園涇上草芊芊幾樹桃花照水鮮若問阿儂何處駐施家橋北綠楊邊授書橋 跨黃渡浦俗稱小橋康熙四十五年易石

輒橋 跨黃渡浦明宣德八年重建

屢豐橋 跨黃渡浦舊名斗姥閣橋道光元年重建

彩虹橋 跨吳塘亦名虹橋明永樂二年建以上嘉定界  
在鎮諸橋

金熏虹橋邨居虛堂生清風心期不在遠人各愛其廬吾亦寄高蹇桁上少懸衣牀頭五千  
卷萬象羅心胸三古足流緬籬下花容澹林間鳥聲善欣然與之偕兩忘不能返

報恩橋 跨鹽鐵塘俗稱蔡家橋雍正七年蔡甯宸易石道光二十一年重修橋東屬  
青浦界

平安橋 跨樊浦 天香橋 跨新涇

祿介橋 跨邢涇明成化五年陶士真建龐遂協成 國朝乾隆七年龐茂章重修

莊恩橋 跨戚浦 仁塘橋 跨戚浦今改木

聚龍橋 跨沙浜乾隆十四年建 從善橋 跨鳳皇涇

鳳皇橋 跨鳳皇涇 繼善橋 跨王匠邨浜

秀龍橋 跨辛涇 馬宅橋 跨旱涇

扶鑾橋 跨小吳塘道光十五年重修 虬涇橋 跨吳塘

黃渡鎮志 卷一 八

李榮春竹枝詞虬涇橋下碧波澄橋上噉噉朝旭升蘿蔔洗來如白玉阿儂兩手冷于冰

祥發橋 跨蔣涇 八字橋 跨

仁壽橋 跨陶祁 萬年橋 跨陶祁

永隆橋 跨陶祁 衆安橋 跨陶祁

復興橋 跨陶祁 興隆橋 跨管涇

興熟廟橋 跨管涇 歐家稿 跨管涇

聚龍橋 跨吳涇

桑浦橋 跨桑浦明永樂七年建今以吳涇之五龍橋假名桑浦橋當非其舊以上嘉定界  
在鄉諸橋

附廢橋

莊橋 跨莊涇 孫店橋 明洪武四年建

葛倪橋 明永樂元年建 馮家橋 明永樂元年建

千秋橋 跨越河乾隆四十年里人徐倉舒募建徐峽芳有記

徐峽芳記吳淞江袤二百餘里跨江成市者惟黃渡鎮鎮為嘉青接壤商販最盛康熙間鎮

中重建兩江橋東西對峙入市者如履坦途誠善舉也乾隆二十八年巡撫莊公有恭疏請于鎮南另鑿越河使江流取直奔駛不受拘束然有越河以後誠足以利洩瀉也誠足以便舟楫也而來往者得毋問津乎鎮之紳耆呈請邑侯褚公啓宗詳憲建橋經始于三十四年六月至四十年閏十月告成名曰千秋蓋橋址舊爲華潮浦有橋名千秋示不忘也工費視迎恩橋過之其壯麗則又增焉諸君子經營之力實足與開鑿之功竝垂不朽爰志其始末如此

陸梯千秋橋晚眺落照灣頭釣艇橫掠波紫燕話新晴秧畦水漫奔渠疾柳岸煙銷擘綫輕林外叢祠時隱見雲間列嶂欠分明宛然一幅倪迂畫值得歸途踏月行 綠波拍岸彩虹橫縱目江天值嬾晴斜照穿林金餅大莫雲歸岫絮衣輕潮通白鶴征颿集寺近青龍古塔明好景蹉跎應不少輸他牧豎日遊行

金堂登千秋橋同趙滄螺賦石梁高聳臥長川永鎮吳淞半壁天山氣作雲晴亦暝潮痕積雨畫生煙眼看買舶乘風健手捋吟窺得句先俯仰滄江起長濛古今賸有幾人傳 漕舶年年迂輓運申丞籌策奏嘉謨人趨曉市停三渡水夾平沙并一湖潮長魚蝦爭欲上雨深

黃渡鎮志

卷一

九

草木困難蘇最憐田墓拋多少未識居民怨有無

寶名橋 跨華潮浦

聚福橋 跨華潮浦乾隆五十年建 宋如林松江府志誤作五福

三星橋 跨華潮浦乾隆五十年建

報恩橋 跨赤雁浦乾隆二十三年周鼎文重建 橋東屬嘉定界

興隆橋 跨淮浦雍正四年重建 以上青浦界在鎮諸橋

大仁橋 跨 俗稱坍石橋乾隆年周鼎文重建 宋志分大仁橋坍石橋爲二誤

廣義橋 跨華潮浦在華潮廟前乾隆年周鼎文重建 宋志分廣義橋華潮廟橋爲二誤

大森橋 主祀青浦志作生 跨華潮浦乾隆四十五年徐蒼舒建

齊渡橋 跨 乾隆四十五年徐蒼舒重建改齊爲徐

魏球青浦志吳淞未塞時闊四五里每二日一渡故稱齊渡

梁武橋 跨華潮浦南口 盛家橋 跨淮浦南口

壽升橋 跨新江塘俗稱殷家橋明萬歷時里人姚禎建

長生橋 跨新江塘俗稱亭子橋康熙十六年里人陸孟常建

崑岡橋 跨新涇乾隆十二年陸廷彬建

塗涇橋 跨塗涇 仁里橋 跨施家浜

承先橋 跨張浦俗稱顧巷橋道光元年里人蔣蘭庭募建

張浦庵橋 跨張浦 聚福橋 跨張浦

永福橋 跨張浦舊有姚庵亦稱姚庵橋

積福橋 跨張浦俗稱馬橋乾隆三十四年周士模重建里人聞士宏有記

集福橋 跨周涇乾隆十五年陸廷彬建

任巷橋 跨周涇乾隆四十五年里人任玉書建道光二十二年任琳重建

會通橋 跨陶家匯 世澤橋 跨石支濃康熙七年建

衛生橋 跨鳳谿塘康熙二十九年里人陸賓王建

秀龍橋 跨平浦 李浦橋 跨李浦

大有橋 跨海家浜道光二十二年里人張德容建

黃渡鎮志 卷一 十

界橋 跨虬江橋東屬嘉定界 同仁橋 跨赤雁浦

聚源橋 跨陳同港里人李仲黃建道光二十四年李晉茂重建

餘慶橋 跨周涇顧曙明建 百家橋 跨顧岡涇

甄窰涇橋 跨甄窰涇 南龔邨橋 跨黃茅浦

太平橋 跨茜江乾隆二十四年程怡廷建嘉慶十五年里人萬熙重修橋東屬嘉定界

南浦橋 跨楊林浦 香花橋 跨楊林浦

仁里橋 跨下孺浦 聚龍橋 跨下孺浦

萬壽橋 跨 興龍橋 跨婁浦

臥龍橋 跨王家涇以上青浦界在鄉諸橋

津渡

龍王渡 唐家渡 東渡 在泊船灣今廢

淮浦渡 朱市浦渡 閔家渡

李榮春竹枝詞問津庵外柳依依妾渡江心燕子飛郎立岸頭看妾去隔江喚道早些歸

江閘

吳塘閘 建廢俱無攷明正德間御史謝琛議復吳塘等閘不果

國朝嘉慶十九年久旱水涸土人于吳塘兩岸撈淺引水出木椿無算在

彩虹橋北數步岸旁今存巨石疑即當時閘址

鹽鐵閘 宋中葉建明嘉靖二十二年巡按呂光洵復置鹽鐵等閘十五所令戚浦口閘基猶

沈水底

宋郊僑上書云沿江北岸二十餘浦除鹽鐵塘大盈浦開導置閘外其餘小河一切並爲大堰或設水竇以防江水則吳淞江水徑入東海而吳之河浦不爲賊水所壅